

Mali izbor iz poezije Hajrije Bećirovića

Moćno vrijeme

Vrijeme je moćno
jače od svega
ako zatreba
može biti
vatra
da nam glavu spali

može biti
voda
da nam polja poplavi
da oči gladne u pogledu ostanu

može biti
grom da jaka svjetlost u krvotok uđe
da srce uništi u najboljem kucanju

može biti
kamen
da snažno tijelo okameni
može biti
sunce
da s blagom toplotom povрати čovjeka
u život
da obnovi porušen dom
da u glavi rasvijetli misli mračne
da nadošlu vodu umiri
da priroda bude čista

Poezijo

Poezijo
za tebe živim,
život je samo jedan.

Povelja si istine naše
jedina nada –
želje ostvarene.

Da nema Tebe

ne bi mogao preboljeti

Ti si

moja ljubav sad
Tebe samo čeka moja mašta.

Mi smo dio istog svijeta
ako prerano usahneš,
biće to kraj mog života.

Riječ

Ne volim riječ varljivu,
ona je uzrok bola,
a istinita postane ljubav.

Moja riječ mala,
kad bude novo vrijeme
postaće velika,
smjela kao soko,
slobodna u letu stići će daleko.

Kad dovoljno osnaži,
ni tada neće biti lažna
ni nerazumna čovjeku,
postaće važna kao budućnost.

Pjesmo

Prvo si bila skica nezrelih misli,
kasnije postala cijela slika života.

Zbog tebe razum moj zrio
pa kad sam dovoljno postao mudar,
u nutrini svijesti životni sam san
probudio.

Ne postoji ništa vrijednije od Tebe,
Ti si plod tužne i radosne noći,
nemoj od mene pobjeći daleko,
želim,
u srž tvog vremena
niti novog utkati.

Put do stvarnosti

u vasioni
i na zemlji
tajna je prve suze

put do stvarnosti
naporan je

u prostoru
nepotrebne stvari
skraćuju potreban vidik

kuda ići
kada su svi putevi slični iz početka

U dobu našem

ne dozvoli
da nas kap ljuta zatoči
u zamak vječno zagonetan
u kome su teška noćna padanja
i kraja nema do ludila

pokloni joj srce svoje suštine
glavni si dio knjige
zato budi bliska u dobu našem

nema više ljubavi duge
igre tijela nestanu kao varnice
dogore
u pepeo se pretvore

Osuđena

korijen u srcu
stoji kazan dubok
prostor umorenih vena
ispuni opojni sok

vrijeme lovaca budi
u blizini zvijer osuđena

Prevaren

evo dolazi
čujem čisti zvuk

u noćnoj tišini
tijelo se umorno kao zvono njiše

otvaram vrata
zar nikog nema
samo vidim crni
nađ pijanom glavom oblak pun kiše

vraćam se nazad
zašto sad prevaren
a opet isto radim u sobi malo
stari časovnik je stao
kome dati knjige sve te
nekom ni sada nije žao
što pauk mrežu u zoru plete

u duši već hladno je
vjetar duva jako
zatvaram vrata
hoću bar jednom da spavam slatko
ali
kako ne mogu
na ulici starac čeka pomoć
oči su mu mutne


***Odlomak iz neobjavljene
poeme***

Traje vrijeme i nevrijeme
desila se strašna eksplozija
manja užarena masa
odvojila se i stigla
u prostor ravnoteže
postepeno se hladila
postala zemlja
zagonetno pojavio se čovjek
zvijer
krvoločna borba
za spas života
postala žena
rodilo se dijete
duh postao kisik, voda, kamen, vatra,
sjeme, plod hrane,
prirodna ljepota,

ljubav, sreća, nesreća, rad,
glad, mržnja, jad,
a ta želja -
Let kosmonauta sve dalje traje
samo u novom obliku - um zreliji
izumi savršeni za budućnost
čeka nas iskušenje
skrivena tajna
dalje se treba ići
gdje nas smjele misli vode
daleko se ne može stići bez slobode
Misao nema određen kraj
granica je možda arš
do zadnjeg razuma konačne odluke
do Dana sudnjeg
nagrada dobrima
džennet
vjernik će upoznati
vjere dobrotu
koju će imati u
zaumnom životu
Kazna zlim- u
džehennemu gorit
će
onaj što je savršen
bio prema majci,
ocu, bratu, sestri
ženi, djetu
Pored toga jezikom
zlim spominjao
Boga
Duša naša dalje živi
pretvorena
u nekog insekta,
pticu, leptiricu
duša postala samo
sjenka tijela
koja se u danu pri
svijetlosti pojavi
a u noći ponovo vra-
ti
u tišinu tame

Hajrija Bećirović je rođen 18.9.1945. godine u Gračanici. Penzioner je. Nagrađivan je za poeziju. Zastupljen je u antologijama: "Odsjaj vječne vatre" i "Pjesnička riječ zavičaja". Objavio je zbirke pjesama: "Vrijeme i nevrijeme" (1981), "Suza kamena" (1984), "Vremenom i srcem" (1986), "Molitva bola" (1993), "Demoni prah" (1995), "Mladost nedosanjana" (1995) i "Slika života" (1997).

Živi i radi u Gračanici.



Hajrija Bećirović
SUZA KAMENA